

ანგარიში

ხარაგაულის მუნიციპალიტეტის გამგეობა

კობა ლურსმანაშვილი

მოხელეთა რაოდენობა 132

თანამდებობის პირთა რაოდენობა 13

საანგარიშო პერიოდში გაწეულ იქნა აღმასრულებელი და წარმომადგენლობითი ორგანოების საქმიანობის უზრუნველსაყოფად 2000,2 ათასი ლარის ხარჯი

მუნიციპალიტეტის ბიუჯეტი 2016 წელს შეადგენს 8, 975.7 ლარს გასავალი 9, 148. 6

საანგარიშო პერიოდში (2015 წელს) 10726,8 ათას ლარს

საანგარიშო პერიოდში ინფრასტრუქტურის რეაბილიტაციისა და ექსპლუატაციის მიზნით დაგეგმილი იყო: სოფლის განვითარების პროგრამით 128 პროექტი თანხით - 767 473 ლარი, სასოფლო გზების რეაბილიტაციისათვის 33 პროექტი - 158 813 ლარი; წყლის სისტემის რეაბილიტაციისათვის 16 პროექტი - 47 278 ლარი; გარე განათების მოსაწყობად 3 პროექტი - 27 500 ლარი; ხიდებისა და ხიდბოგირების აშენება - რეაბილიტაციისათვის 5 პროექტი - 111 000 ლარი; საბავშვო ბაღების რეაბილიტაციისათვის 4 პროექტი - 30 000 ლარი; კიციხის საზოგადოებრივი სახლის ასაშენებლად - 152 000 ლარი; სხვა 66 პროექტისათვის - 240 882 ლარი; ადგილობრივი დაფინანსებით ინფრასტრუქტურული პროექტების

განხორციელებაში დაიხარჯა 255 722 ლარი. 2015 წლის ნოემბრის თვეში მოსული სტიქიის შედეგად დაზიანებული ინფრასტრუქტურული ობიექტებისა და კერძო საკუთრებაში არსებული სახლების რეაბილიტაციისათვის ოპერატიულად მომზადდა 20 პროექტი თანხით - 145 000 ლარი. რეგიონული განვითარების პროექტების ფონდიდან დაფინანსდა 8 პროექტი თანხით - 2 408 490 ლარი, დასრულებულია ზემოთჩამოთვლილი ყველა პროექტი, ხოლო რეგიონალური განვითარების ფონდის დაფინანსებით განსახორციელებელი პროექტებიდან დასრულებულია 7, მიმდინარეობს ხარაგაული-ფარცხნალის გზის რეაბილიტაციის სამუშაოები. მოსახლეობის საზოგადოებრივი ტრანსპორტით უზრუნველსაყოფად მუნიციპალიტეტმა დახარჯა 13,3 ათასი ლარი, სტიქიით დაზიანებული გზების რეაბილიტაციაზე 58,0 ათასი ლარი, მრავალბინიანი სახლების რეაბილიტაციისათვის საპროექტო-საღარჯთაღრიცხვო დოკუმენტაციის შესადგენად დაიხარჯა 0,9 ათასი ლარი, 6,0 ათასი ლარი მიიმართა დაბა ხარაგაულში მოქალაქეთა უსაფრთხოების დაცვის მიზნით ქუჩების მიმდებარედ არსებული ხმელი ხეების მოსაჭრელად; მოსახლეობის საზოგადოებრივი ტრანსპორტით უზრუნველსაყოფად მუნიციპალიტეტმა დახარჯა 13,3 ათასი ლარი, დასუფთავების ღონისძიებების სუბსიდირებაზე - 519,0 ათასი ლარი, რითაც მომსახურეობა გაეწია მუნიციპალიტეტის ადმინისტრაციული ერთეულების სოფლებს ზვარე, მოლითი, ბეჟათუბანი, დიდვაკე, ჯაფაროული, ბაზალეთი, ფარცხნალი, თეთრაწყარო, საქარიქედი, კიცხი, ხიდარი, ვარძია, წყალაფორეთი, ბორი, ლაშე, უბისა, მაქათუბანი, ბორითი, საქასრია, ვერტყვიჭალა, ხევი, ხუნევი, რიკოთი, მუნიციპალიტეტის ტერიტორიაზე განთავსებულია 143 ცალი ნარჩენების შემაგროვებელი კონტეინერი. აღნიშნული პროექტების განხორციელებამ მუნიციპალიტეტში გააუმჯობესა ბენეფიციართა გადაადგილება კომფორტულად მოასფალტებულ ხიდრისა და ბაზალეთის, მოხრეშილ ღორემა- მარიამწყარო - ბორითის გზებზე, მოწესრიგებულმა საავადმყოფოს მიმდებარე ტერიტორიამ და კომუნიკაციებმა კომფორტული გახადა ავადმყოფთა მომსახურეობა. დასრულებული ღია ესტრადის სარეაბილიტაციო სამუშაოების შედეგად მოგვეცემა ფართომასშტაბიანი

კულტურული ღონისძიებების ჩატარების საშუალება, სადაც ყველა მსურველს ექნება ღონისძიებაზე დასწრების შესაძლებლობა, მოსახლეობას ყოფა გაუმჯობესა სასმელი წყლის სისტემის მოწყობამ, გარე განათებებმა, წყლის წისქვილებმა, შკეთებულმა და ახლადამენებულმა ხიდებმა და ხიდბოგირებმა, სანიაღვრე და საკანალიზაციო ქსელებმა, მგზავრთა მოსაცდელებმა, საზოგადოებრივი თავშეყრის ადგილებმა, შემოღობილმა სასაფლაოებმა, შეკეთებულმა საბავშვო ბაღის შენობებმა, ე.წ. „სარიტუალო სახლი“-ებმა. ცენტრალური ბიბლიოთეკის შენობის რეაბილიტაციამ - სადაც ფუნქციონირებს ინოვაციების ცენტრი. კომფორტული გარემო შეექმნება კიციხის მოსახლეობას საზოგადოებრივი სახლის ექსპლუატაციაში შესვლით.

მომავალი წლისათვის მუნიციპალიტეტს ინფრასტრუქტურის მოწესრიგების მიზნით დაგეგმილი აქვს : რეგიონალური განვითარების ფონდიდან 7 პროექტი თანხით 2,489,033,0 ლარი, საიდანაც 5% 124,000 ლარი ადგილობრივი ბიუჯეტიდან დაფინანსდება: უბისა-ღორემის საავტომობილო გზის რეაბილიტაცია, სოფელ უბისის საავტომობილო ხიდიდან სოფელ ღორემის ადმინისტრაციულ ცენტრამდე თანხით - 1 199 767 ლარი; დაბის № 2 საბავშვო ბაღის რეაბილიტაცია თანხით - 139 251 ლარი; ხევის საბავშვო ბაღის რეაბილიტაცია თანხით - 88 710 ლარი; ღორემის, წფის და მოლითის საბავშვო ბაღების რეაბილიტაცია თანხით - 165 438 ლარი; სოფელ გედსამანის ცენტრალური გზის რეაბილიტაცია (სკოლამდე) თანხით - 499 327 ლარი; გზის დამცავი კედლების მოწყობა თანხით - 108 727 ლარი; ხარაგაული-ბაზალეთის გზის რეაბილიტაცია ადმინისტრაციული ცენტრიდან სოფელ ღორემამდე თანხით - 287811 ლარი. სოფლის მხარდაჭერის პროგრამის ფარგლებში განხორციელდება მოსახლეობის მიერ შერჩეული სხვადასხვა სახის ინფრასტრუქტურული პროექტები, ხოლო რაც შეეხება ადგილობრივი ბიუჯეტით დაგეგმილი 375 000 ლარის ინფრასტრუქტურულ პროექტებს ესენია: გარე განათების მოწყობა ბაზალეთისა და კიციხის ა/ერთეულებში თანხით - 39300 ლარი , კიციხის საზოგადოებრივი სახლის დასრულება თანხით - 42000 ლარი , სოციალური დაცვის უზრუნველყოფისათვის ობიექტების რეაბილიტაცია: დაბა ხარაგაულში სათნოების სახლის რეაბილიტაცია, სოფელ ვერტყვიჭალაში და სოფელ კიციხში

შენობების რეაბილიტაცია თანხით - 41000 ლარი, ცენტრალური ბიბლიოთეკისათვის ინვენტარის შეძენა თანხით - 30000 ლარი, მუნიციპალიტეტის ტერიტორიაზე საგზაო ინფრასტრუქტურის მოწესრიგება თანხით - 60700 ლარი, დაბა ხარაგაულში სანიაღვრე და საკანალიზაციო არხების მოწყობა-რეაბილიტაცია თანხით - 20000 ლარი, ხარაგაულის მუნიციპალიტეტის ტერიტორიაზე ხიდების და ხიდ-ბოგირების აშენება- შეკეთება თანხით - 60000 ლარი, ხარაგაულის მუნიციპალიტეტის ტერიტორიაზე წყლის სისტემის რეაბილიტაცია-მოწყობა თანხით - 59700 ლარი, ბაღების მშენებლობა - რეაბილიტაცია თანხით - 23200 ლარი,

მუნიციპალური განვითარების ფონდიდან სოფელ მარელისში მოასფალტდება ცენტრალური გზა რომლის საპროექტო ღირებულება შეადგენს 1 300 000 ლარს, სოფელ უბისაში ტაძრის მიმდებარედ დასრულდება კულტურული მემკვიდრეობის ზონის კეთილმოწყობა (საპროექტო ღირებულება 1 429 750 ლარი). მიმდინარეობს მუშაობა მუნიციპალური ფონდიდან სოფლ დიდვაკისა და საღანძილის საბავშვო ბაღების პროექტების დაფინანსების მოპოვებაზე.

ამჟამდ მიმდინარეობს დაბის ტერიტორიაზე ჯანდაცვის სამინისტროს მიერ ახალი საავადმყოფოს მშენებლობა.(1,600,000ლარი)

საანგარიშო პერიოდში ხორციელდებოდა ზედამხედველობა შესასრულებელ სამუშაოებსა და მის მიღება ჩაბარებაზე. მოამზადა მუნიციპალიტეტის 2015-2017 წლების სამოქმედო გეგმა, ხარაგაულის მუნიციპალიტეტის საშუალოვადიანი პრიორიტეტების, რგფ ფონდიდან დასაფინანსებელი 2016 წლის პრიორიტეტული ინფრასტრუქტურული ობიექტების საპროექტო-სახარჯთაღრიცხვო დოკუმენტაცია. ასევე მომზადდა და მუნიციპალური განვითარების ფონდს განსახორციელებლად წარედგინა სოფელ მარელისის საავტომობილო გზის რეაბილიტაცია, სოფელ დიდვაკის და საღანძილის საბავშვო ბაღების მშენებლობის საპროექტო-სახარჯთაღრიცხვო დოკუმენტაცია. საანგარიშო პერიოდში გაცემულია: 18 ტექნიკური პირობა საამშენებლოდ მიწის ნაკვეთის გამოყენებზე, 45 შეთანხმება

სარეკონსტრუქციო სამონტაჟო და მიშენების პროექტზე, მშენებლობის ნებართვა 14 ობიექტისათვის და 7 ობიექტის ვარგისად აღიარება.

ორგანიზება და კონტროლი ეწეოდა მუნიციპალური ტრანსპორტის მომსახურების, გაზიფიცირებისა და ელექტრო ენერჯის გამრიცხველიანების საკითხებს (მუნიციპალური საჭიროებებისათვის).

პროექტის შესრულების პროცესში არსებული დარღვევებისათვის პირგასამტეხლო დაეკისრათ; ხარაგაული ბაზალეთის გზის მოასფალტების სამუშაოების შემსრულებელს შპს „ნიუ ვეივი“-39 000ლარი, ი/მ ზურაბ ხაჩიძე 94 ლარი, ი/მ სულიკო ჭყობე 128 ლ.ი/მ ვეფხვია ღონღაძე 280 ლ. ი/მ ზურაბ გოგოლაძე 98 ლ. ჯამბულ ლომიძე 93 ლ. ი/მ ჯამბულ ლომიძე 120 ლ. ი/მ გია გლუნჩაძე 114 ლ. შპს „ტუკა“ 184 ლ. ააიპ „ხარაგაულ კეთილმოწყობა“ 269 ლ. ი/მ გია გლუნჩაძე 107 ლ. სულ პირგასამტეხლოს სახით დარიცხულმა თანხამ შეადგინა 40487 ლარი.

მომზადდა სარჩელები და შევიდა სასამართლოში შემდეგ მეწარმეთა მიმართ

ხელშეკრულება N 122 სს „იბერია 21“ - 10097 ლარზე.

ხელშეკრულება N 158 ინდ, მეწარმევეკლუდი ძიძიგური-7887 ლარზე.

ხელშეკრულება N 168 ინდ. მეწარმე დიმიტრი ღამბაშიძე- 208,93 ლარზე.

ხელშეკრულება N169 ინდ. მეწარმე დიმიტრი ღამბაშიძე -1142,75 ლარზე.

ხელშეკრულება N 253 სს „მარკშიდერი“ – 720 ლარზე.

ხელშეკრულება N 254 სს „მარკშიდერი“ - 489,24 ლარზე.

ხელშეკრულება N 3 შ.პ.ს „L ჯგუფი“ – 24 412, 50 ლარზე.

ხელშეკრულება N118 ინდ. მეწარმე ბესარიონ დავაძე - 679,46 ლარზე.

ხელშეკრულება N 192 ინდ. მეწარმე „გურამი ღონღაძე“ - 60 ლარზე.

ხელშეკრულება N248 ინდ. მეწარმე „გიორგი თხელიძე“ - 799,25 ლარზე.

ხელშეკრულება N251 „შპს „ფუგო“ --67,50 ლარზე.

ხელშეკრულება N384 ინდ. მეწარმე ვლადისლავ ბულიგინი - 1154,97 ლარზე.

ხელშეკრულება N295 გუმბათი 7 - 49 578,55 ლარზე.

სულ სასარჩელო მოთხოვნა სასამართლოში ამ ეტაპზე შეტანილია 97 297,15 ლარზე და დღემდე გრძელდება სარჩელების მომზადება იმ მეწარმეთა მიმართ რომელთაც დაკისრებული აქვთ პირგასამტეხლოები.

ნაწილი სასარჩელო მოთხოვნები პირველი ინსტანციის სასამართლომ უკვე დააკმაყოფილა და დაავალა მათ დაკისრებული პირგასამტეხლოების გადახდა, კერძოდ ესენია:სს „იბერია 21“, ინდ. მეწარმე მევლუდი ძიძიგური , ინდ. მეწარმე დიმიტრი ღამბაშიძე, სს „მარკუშიდერი“, ინდ. მეწარმე ბესარიონ დავაძე , ინდ. მეწარმე „გურამი ღონღაძე“ , „შპს „ფუგო“ , ინდ. მეწარმე ვლადისლავ ბულიგინი, რომელთა საერთო გადასახდელი თანხა შეადგენს 22 506,85 ლარს, ხოლო შ.პ.ს „L ჯგუფი“, „გუმბათი 7“ -ის და ინდ. მეწარმე გიორგი თხელიძის მიმართ სარჩელი შეტანილია სასამართლოში და ველოდებით სასამართლო პროცესს.

ინფრასტრუქტურული პროექტების განხორციელებისას გაწეულმა ზედამხედველობამ ერთგვარად აამალა შესრულების ხარისხი და ექსპლუატაციაში გაშვების დრო.

განათლებაზე საანგარიშო პერიოდში გათვალისწინებული 1252,7 ათასი ლარიდან დახარჯულია 1237,5 ათასი ლარი და დაფინანსებულია 98,8 პროცენტით, სკოლამდელი დაწესებულების სუბსიდირებას მოხმარდა 991,7 ათასი ლარი, კიბხის სკოლა- ინტერნატის სუბსიდირებას 136,6 ათასი ლარი და მოსწავლე-ახალგაზრდობის სახლის სუბსიდირებას 109,2 ათასი ლარი. მიმდინარე წელს გაიხსნა, სოფელ წყალაფორეთის, წიფისა და ზვარის საბავშვო ბაღები.

საანგარიშო წელი გამოირჩეოდა კულტურული, რელიგიური, სპორტული და ახალგაზრდული ღონისძიებების სიმრავლით, მარტო კინოთეატრიში 70 მდე სხვადასხვა სახის ღონისძიება ჩატარდა. ასევე ჩატარდა: სპორტულ-გასართობი

თამაში „მხიარული სტარტები“ (რომელშიც მონაწილეობდა 21 საჯარო სკოლის 400-მდე მოსწავლე); მინი ფეხბურთის ჩემპიონატი; კალათბურთის ჩემპიონატი; სამაგიდო თამაშები შშპ პირთა მონაწილეობით; ჭიათურის მუნიციპალიტეტის სოფელ ქვაციხეში სპორტული ღონისძიება. მუნიციპალიტეტის პირველობა მკლავჭიდში; პროექტ „იმერეთის ხმის“ შესარჩევი ტური (რომელშიც გაიმარჯვა და ტიტული „იმერეთის ხმა“ მოიპოვა სალომე კვირიკაშვილმა), ლიტერატურული თეატრი „ოდეონი“, რეზო თაბუკაშვილის ძეგლის გახსნასთან ერთად გაიმართა ლიტერატურული თეატრის იუბილე, მუნიციპალიტეტის შემოქმედებითი ძალების მონაწილეობით აღინიშნა წლის განმავლობაში ყველა მნიშვნელოვანი თარიღი. მოეწყო გასვლითი სპექტაკლების ჩვენება ჩვენი თეატრების მიერ მუნიციპალიტეტის რამოდენიმე სოფელში, ასევე საქართველოს სხვადასხვა ქალაქებში, ოთარ აბაშიძის სახალხო თეატრის მიერ გაიმართა ორი პრემიერა, „დარისპანის გასაჭირი“ და საბავშვო სპექტაკლი „სათაგური“, ხალხური შემოქმედების სახლმა სტიქიით დაზარალებულთათვის ქალაქ თბილისში საქველმოქმედო საღამო, სამუსიკო სკოლამ კონცერტი „მონატრებული მ.ელოდიები“, ისტორიულ მუზეუმმა ღვინის ფესტივალი, ცენტრალურმა ბიბლიოთეკამ რამდენიმე საინტერესო შეხვედრა, ტურიზმის ხელშეწყობის ცენტრმა სათავედასავლო ტურ-თამაშები და ლაშქრობები, ინტელექტუალური თამაში „რა?, სად?, როდის?“, მოეწყო კარვების ბანაკი სოფელ ზვარეში პროგრამა „ეტალონი“-ში გამარჯვებული ბავშვებისთვის.

მონაწილეობა მივიღეთ: ოთხ თეატრალურ ფესტივალში, მათ შორის ლატვიაში, ქუთაისობის ტრადიციულ დღესასწაულსა და ქუთაისში გამართულ ფოლკლორის ეროვნულ დათვალიერება - ფესტივალში, (კულტურის ცენტრთან არსებული ანსამბლები „უბისი“ - მა , და „ოდოლა“-ამ, ხალხური შემოქმედების სახლთან არსებული ანსამბლმა „კახორი“ - მა აგრეთვე ინდივიდუალური შემსრულებლებმა); საჩხერეში გამართულ ფესტივალში „ნათელას სიმღერა“-ში, (რომელშიდაც საპრიზო ადგილი და ფულადი პრემია მოიპოვა დუეტმა ხარაგაულიდან); აკაკის იუბილესადმი მიძღვნილ ქართული საგალობლების ფესტივალში; მარათონში

„ვირბინოთ მსოფლიოსთან ერთად“; ვახანში გამართულ ტრადიციულ სახალხო დღესასწაულში; სოფელ ხევში მძლეოსნობის ტურნირში; სოფელ ბორითში მინი ფეხბურთის ჩემპიონატში.

ვუმასპინძლეთ: ოლიმპიურ ცეცხლს; თანამედროვე მწერლებს და პოეტებს; საქართველოს სახალხო არტისტ ლეო ანთაძეს; საპატრიარქოს ეგიდით გამართულ ფესტივალს „ადღომიდან ამაღლებამდე“; საქართველოს კულტურისა და ძეგლთა დაცვის სამინისტროს მხარდაჭერით განხორციელებულ პროექტებს: „ცოცხალი წიგნები“, საგანმანათლებლო პროექტ „ეტალონი“-ს (გამარჯვება მოიპოვა მარელისის საჯარო სკოლის XII კლასის მოსწავლემ მარიამ ფცქიალაძემ);

კულტურა, რელიგია, ახალგაზრდული და სპორტული ღონისძიებებისათვის დაგეგმილი 1613,3 ათასი ლარიდან დახარჯულია 1582.2 ათასი ლარი. აქედან სპორტის განვითარებაზე დახარჯულია 614,9 ათასი ლარი, სპორტული ღონისძიებების დაფინანსებაზე დახარჯულია 4,9 ათასი ლარი, სპორტული სკოლის სუბსიდირებაზე 235,0 ათასი ლარი, საფეხბურთო კლუბი „ჩხერიმელა -2009“ -ის დაფინანსებაზე 250,0 ათასი ლარი და სპორტულ-გამაჯანსაღებელი და შიდა ტურიზმის ცენტრის დაფინანსებაზე 125,0 ათასი ლარი. კულტურის განვითარებაზე 907,4 ათასი ლარი, აქედან 91,7 ათასი ლარი საქ. მთავრობის N 39 განკარგულებით დახარჯულია ბიბლიოთეკის შენობის რეაბილიტაციაზე ხოლო კულტურის სუბსიდირებას მოხმარდა 815,7 ათასი ლარი, მათ შორის სამუსიკო სკოლის სუბსიდირებაზე 99,8 ათასი ლარი, ხალხური შემოქმედების სახლის სუბსიდირებაზე 80,0 ათასი ლარი, კულტურის ცენტრის სუბსიდირებაზე 276,5 ათასი ლარი, ისტორიული მუზეუმის სუბსიდირებაზე 96,0 ათასი ლარი და ლიტერატურული თეატრის სუბსიდირებაზე 55,0 ათასი ლარი. ტელერადიო მაუწყებლობა და საგამომცემლო საქმიანობაზე 47,5 ათასი ლარი, ახალგაზრდული პროგრამების დაფინანსებაზე დაიხარჯა 12,4 ათასი ლარი. განათლებაზე 2015 წელში გათვალისწინებული 1252,7 ათასი ლარიდან დახარჯულია 1237,5 ათასი ლარი და დაფინანსებულია 98,8 პროცენტით, სკოლამდელი დაწესებულებების სუბსიდირებას

მოხმარდა 991,7 ათასი ლარი, კიციხის სკოლა- ინტერნატის სუბსიდირებას 136,6 ათასი ლარი და მოსწავლე-ახალგაზრდობის სახლის სუბსიდირებას 109,2 ათასი ლარი.

საანგარიშო პერიოდში ჩატარებული ღონისძიებები ემსახურებოდა ჯანსაღი ცხოვრების წესის დამკვიდრებას, ახალგაზრდებში თვითშემოქმედებითი პოტენციალის გამოვლენას, მომავალი თაობის სწორ აღზრდას და თავისუფალი დროის გონივრულად გამოყენებას.

კვლავაც მრავალფეროვანი ღონისძიებების ჩატარებაა დაგეგმილი 2016 წელს განათლების, რელიგიის, კულტურის, სპორტისა და ახალგაზრდობის კუთხით. მუნიციპალიტეტის საჯარო სკოლები მონაწილეობას მიიღებენ საგანმანათლებლო პროექტში „ინტელექტის დღე“, ქ. ქუთაისში გაიმართება მხიარულთა და საზრიანთა კონკურსის რეგიონალური შეხვედრის ფინალური ეტაპი, რომელშიც მონაწილეობას მიიღებს ხარაგაულის მუნიციპალიტეტის გუნდი, ტრადიციულად ჩატარდება ინტელექტუალური თამაში „რა?სად?როდის?“, შემეცნებითი პროექტი „ვიცნობდეთ ჩვენ მხარეს“ , მუნიციპალიტეტის წარჩინებული მოსწავლეები ტრადიციულად ჩაერთვებიან მედიაპროექტში „ეტალონი“.

საზეიმო კონცერტით და ფილმის ჩვენებით აღინიშნება: დავით აღმაშენებლის ხსენების, საქართველოს ოკუპაციის, დედისა და ქალთა საერთაშორისო, ფაშიზმზე გამარჯვების, საქართველოს დამოუკიდებლობის, ბავშვთა საერთაშორისო დღეები, მონაწილეობას მივიღებთ ქუთაისობის ტრადიციულ სახალხო დღესასწაულში, იმერეთის თეატრალურ ფესტივალში, საქართველოში გამართულ სხვადასხვა ფესტივალებში და კონცერტებში.

დაგეგმილია ასევე სახალხო დღესასწაული „ხარაგაულობა“, სამოყვარულო ფილმების კონკურსში „ჩემი იმერეთი“, სამუსიკო სკოლაში რეზო ლალიძის 95 წლის იუბილესადმი მიძღვნილი კონცერტი, ლიტერატურული თეატრის მიერ ტრადიციული კონკურსი „ოდეონი“, პროექტი „პაემანი რკინიგზის სადგურზე“ და ლიტერატურული სპექტაკლი, მუზეუმში ტრადიციული „ღვინის ფესტივალი“, „მუზეუმების ღამე“, ხალხური შემოქმედების სახლის მიერ კონცერტები და

„თამარობისადმი“ მიძღვნილ საღამო, კულტურის ცენტრის ორგანიზებით გაიმართება ქორეოგრაფიული ფესტივალი „კიდევაც დაიზრდებიან“, მუნიციპალიტეტის სოფლებში თოჯინები სახალხო თეატრის მიერ სპექტაკლები, ცენტრალურ ბიბლიოთეკის მიერ „საბიბლიოთეკო კვირეული“, მოსწავლე-ახალგაზრდობის სახლს ბავშვთა საერთაშორისო დღესთან დაკავშირებით დაგეგმილი აქვს კვირეული. წლის ბოლოს კი ტრადიციულად საახალწლო ღონისძიებები.

უკვე მიმდინარეობს სასკოლო ოლიმპიადა, დაგეგმილია ტურნირების ჩატარება თავისუფალ ჭიდაობაში, ძიუდოში, მკლავჭიდში, მაგიდის ჩოგბურში. მოეწყობა ზონალური ღონისძიებები სპორტის სხვადასხვა სახეობებში და ანზორ მაღრაძის სახელობის ტრადიციული ტურნირი თავისუფალ ჭიდაობაში, „სათავგადასავლო ტურ-თამაშები“, ახალგაზრდებისათვის საზაფხულო კარვების ბანაკი სოფელ ზვარეში, ლაშქრობები მუნიციპალიტეტის ტერიტორიაზე. მონაწილეობას მივიღებთ იმერეთის საკალათბურთო ჩემპიონატში, სოფელ ვახანსა და ზვარეში გამართულ სახალხო დღესასწაულებში, რეგიონალურ და რესპუბლიკურ სპორტულ ღონისძიებებში. ჩატარდება: მინი ფეხბურთის, კალათბურთის და სამაგიდო თამაშების ჩემპიონატები.

საზოგადოებრივ ჯანდაცვასა და სოციალურ პროექტებზე საანგარიშო წელს დახარჯულია 751.6 ათასი ლარი, მათ შორის საზოგადოებრივი ჯანდაცვაზე - 115,0 ათასი ლარი; რითაც დელეგირებული უფლებამოსილების განხორციელების ფარგლებში სხვადასხვა სახის პროექტების შესასრულებლად გაიხარჯა: სოციალურ პროგრამებზე - 636.6 ათასი ლარი, აქედან უფასო სასადილოს სუბსიდირებაზე - 96,3 ათასი ლარი, მუნიციპალიტეტში მცხოვრები სოციალურად დაუცველი ოჯახების მკურნალობის, მედიკამენტებით უზრუნველყოფის და სხვადასხვა სოციალური ფენის მოსახლეობის დახმარებებზე 454,5 ათასი ლარი, ახალდაბადებული ბავშვიანი ოჯახების დახმარებაზე 52,0 ათასი ლარი, სტიქიით დაზარალებული

ოჯახების საცხოვრებლით უზრუნველსაყოფად 31.8 ათასი ლარი, ვეტერანთა და ლტოლვილთა დაკრძალვაზე 2,0 ათასი ლარი.

ჯანმრთელობისა და სოციალური მდგომარეობის გაუმჯობესების მიზნით მუნიციპალიტეტში სოციალური დაცვის მიმართულებით მოქმედებს 4 ძირითადი და 10 ქვეპროგრამა;

სოციალურად დაუცველი ოჯახების მკურნალობის, სამედიცინო და სხვა სახის მომსახურების პროგრამა მოიცავს: ინდივიდუალური სამედიცინო დახმარებას და მედიკამენტებით უზრუნველყოფას; ერთჯერად ფინანსურ დახმარებას; ხანდაზმულთა სოციალურ დაცვას; შშმ პირთა სოციალური დაცვას; სოციალურად დაუცველი გარდაცვლილის ოჯახის დახმარებას; სადღესასწაულო დღეების დახმარების პროგრამას; ლეიკემიით დაავადებულთა და ჰემოდიალიზის სეანსებით მოსარგებლე ბენეფიციართა ტრანსპორტის ხარჯით უზრუნველყოფას; საქართველოს ტერიტორიული მთლიანობისათვის ომში დაღუპულთა ოჯახების (რომლებიც ვერ მოხვდნენ სახელმწიფო დახმარების მიმღებთა რიცხვში) დახმარების პროგრამას; უსინათლოთა და სამამულო ომის ვეტერანთა ყოველთვიური დახმარებას კომუნალური ხარჯების დასაფარავად; ახალშობილთა ოჯახების დახმარებას; ომის ვეტერანთა და იძულებით გადაადგილებულ პირთა დაკრძალვის ხარჯის დაფარვას; სტიქიური მოვლენების, ხანძრის შედეგად დაზარალებულთა და მძიმე საცხოვრებელი პირობების მქონე მოქალაქეთა მატერიალური დახმარებას.

სოციალურად დაუცველი ოჯახების მკურნალობისა და სხვადასხვა სახის დახმარების სახით გაწეულია 454 531 ლარის ხარჯი. ახალშობილებილთა ოჯახების დახმარების პროგრამის განსახორციელებლად დახარჯულია 52 000 ლარი (240 ახალშობილი); ომის ვეტერანის და დევნილის დაკრძალვის ხარჯისთვის 8 გარდაცვლილის ოჯახს გაეწია დახმარება 2000 ლარის ოდენობით. სტიქიური მოვლენების და ხანძრის შედეგად დაზარალებული და მძიმე საცხოვრებელი პირობების მქონე 27 ოჯახს დაზიანების კატეგორიების მიხედვით გაეწია დახმარება 31 800 ლარით

ინტენსიურად ხორციელდება სამედიცინო და სკოლამდელი აღზრდის დაწესებულებების მონიტორინგი ჯანმრთელობის დაცვის კუთხით ყოველდღიურ რეჟიმში კონსულტაცია ეწევით მოქალაქეებს საყოველთაო ჯანდაცვის დაზღვევის პროგრამით გათვალისწინებულ მომსახურებაზე. ასევე, საქართველოს მთავრობის 2015 წლის 15 სექტემბრის N 473 დადგენილების შესაბამისად, გაეწიათ კონსულტაცია და მიეწოდათ მეთოდური დახმარება კანის საფარველის ესთეტიკური და კოსმეტიკური პროცედურების მწარმოებელ საზოგადოებრივი მნიშვნელობის დაწესებულებებს ინფექციების პრევენციისა და კონტროლის ღონისძიებებთან დაკავშირებით. მუნიციპალიტეტში მოქმედი სოციალური პროგრამის ფარგლებში ფინანსდება „C“ ჰეპატიტის ელიმინაციის სახელმწიფო პროგრამაში ჩართვამდე საჭირო კვლევები.

მუნიციპალიტეტის მოსახლეობას მომსახურებას უწევს: 14 სოფლის და დაბის ემერჯენსის ტიპის ამბულატორია, რომელიც აღჭურვილია თანამედროვე ტიპის უახლესი აპარატურით და სხვადასხვა დარგის მოწვეული სპეციალისტებით, სოფელ ბორითის ტერიტორიაზე განთავსებული გადაუდებელი სამედიცინო დახმარების და კატასტროფის ცენტრი და დაბის სასწრაფო გადაუდებელი დახმარების სამი ბრიგადა, რომელიც საანგარიშო წელს განთავსდა ახალ შენობაში, უზრუნველყოფილია ბაზისური მედიკამენტებით და სამედიცინო დანიშნულების საგნებით. მართალია ავტოპარკი შეივსო ორი ერთეული ავტომობილით, მაგრამ რელიეფიდან გამომდინარე, მუნიციპალიტეტი საჭიროებს მაღალი გამავლობის ავტომობილის დამატებას,

ინტენსიურად ეგზავნება შუამდგომლობები იმერეთის სოციალური მომსახურების სამხარეო ცენტრს იმ მოქალაქეთა შესახებ, რომლებიც ითხოვენ გადამოწმებას სოციაგენტის მიერ.

გარკვეული მუშაობაა ჩატარებული თვითმმართველი ერთეულის ტერიტორიაზე მცხოვრებ იძულებით გადაადგილებულ პირთა დასახმარებლად. მუნიციპალიტეტის 20 ადმინისტრაციული ერთეულის კერძო სექტორში

განსახლებულია 114 დევნილი პიროვნება, რომელიც გაერთიანებულია 36 ოჯახად. 34 ოჯახი - 111 პიროვნება აფხაზეთიდან დევნილია, ხოლო 2 ოჯახი - 3 პიროვნება - სამაჩაბლოდან. ისინი ჩართული არიან მუნიციპალიტეტში მოქმედ ყველა სოციალურ პროგრამაში, ასევე გამონაკლისის სახით, ხდება უკიდურესად გაჭირვებული დევნილი ოჯახების დახმარება საშემე მერქნით.

საანგარიშო პერიოდში სათნოების სახლს გაწეული აქვს 96300 ლარის ხარჯი, რომელიც ემსახურება 73 ბენეფიციარს. კვებაზე დაიხარჯა 31485 ლარი, საშუალოდ ერთი კ/დღე შეადგენს 1,40 ლარს. ბენეფიციართა კვებასთან ერთად უკიდურესად გაჭირვებულ ოჯახებს სასაბუღალტრო ეხმარება საკვები პროდუქტით და ამ მიმართულებით დახარჯულია 3650 ლარი.

საანგარიშო პერიოდში განხორციელებული პროექტების შედეგად შემსუბუქთა რიგი მოქალაქეების მატერიალური და ჯანმრთელობის მდგომარეობა, შშმ პირებისთვის ხელმისაწვდომი გახდა საზოგადოებაში ინტეგრაცია, სტიქიის შედეგად დაზარალებული და მძიმე საცხოვრებელი პირობების მქონე მოსახლეობას გაუმჯობესდა საცხოვრებელი პირობები. რაც მთლიანობაში აისახა მოსახლეობის სოციალური მდგომარეობის გაუმჯობესებით.

სოციალური პროექტების განსახორციელებლად მომავალი წლისათვის გაიხარჯება 687 000 ლარი. აღნიშნული თანხიდან სოციალურ პროგრამებზე - 646 000 ლარი, სამედიცინო, ფინანსური და სხვადასხვა სახის დახმარებებისათვის - 48700 ლარი, ახალშობილთა ოჯახების დასახმარებლად - 40 000 ლარი, ომის ვეტერანთა და იძულებით გადაადგილებულ პირთა დაკრძალვისათვის - 2 000 ლარი, სტიქიით დაზარალებული და მძიმე საცხოვრებელი პირობების მქონე ოჯახების დასახმარებლად - 30 000 ლარი, მიუსაფარი 73 ბენეფიციარის მომსახურებისათვის - 87 000 ლარი, ბორის საჯარო სკოლა-პანსიონის ბაზაზე არსებული დღის ცენტრისთვის საჭირო ინვენტარის შეძენად - 8 000 ლარი, ვერტევიჭალის საჯარო სკოლის ბაზაზე დღის ცენტრისათვის ადაპტირებული ინფრასტრუქტურის მოსაწყობად 23 000 ლარი

ქონების გადასახადი საანგარიშო წელს მუნიციპალიტეტს დაგეგმილი ქონდა 880,0 ათასი ლარით, მიღებული აქვს 963,1 ათასი ლარი, მათ შორის საწარმოთა ქონების გადასახადიდან მიღებულია 65,0 ათასი ლარი, არასასოფლო-სამეურნეო დანიშნულების მიწაზე ქონების გადასახადიდან 898,0 თასი ლარი და ეკონომიკური საქმიანობისათვის გამოყენებულ ქონების გადასახადიდან 0,1 ათასი ლარი, მიწის იჯარიდან მისაღები 20,0 ათასი ლარის ნაცვლად მიღებულია 35,9 ათასი ლარი, ადმინისტრაციული მოსაკრებლებისა და გადასახდელების 8,0 ათასი ლარის ნაცვლად მობილიზებულია 12,6 ათასი ლარი; არაფინანსური აქტივების კლებიდან შემოსულია 17,1 ათასი ლარი, რომელიც ძირითადად მიწების პრივატიზებიდან იქნა მიღებული.

ეკონომიკისა და ქონების მართვის სამსახურის მიერ მუნიციპალიტეტს საკუთრებაში გადმოეცა და დარეგისტრირდა სოფელ წყალაფორეთში მდებარე 953 მ² არასასოფლო-სამეურნეო დანიშნულების მიწის ნაკვეთი, სოფელ უბისაში 223, 6მ², 20 მ², და 277მ² არასასოფლო-სამეურნეო დანიშნულების მიწის ნაკვეთები - უბისის სამონასტრო კომპლექსის მიმდებარედ ინფრასტრუქტურული პროექტების განსახორციელებლად. დარეგისტრირდა: დაბა ხარაგაულში, სოლომონ მეფის მეორე შესახვევში მდებარე 777მ² არასასოფლო-სამეურნეო დანიშნულების მიწის ნაკვეთი - ა(ა)იპ ხარაგაულდასუფთავების სამსახურის ტექნიკის განსათავსებლად, სოფელ ხიდარში 957 მ², სოფელ ფონაში 522 მ², სოფელ ხევში 501 მ² არასასოფლო-სამეურნეო დანიშნულების მიწის ნაკვეთები - სარიტუალო შენობების განსათავსებლად. სოფელ ჭარტალში 500 მ² და დაბა ხარაგაულში სოლომონ მეფის პირველ ჩიხში 30 მ² არასასოფლო-სამეურნეო დანიშნულების მიწის ნაკვეთები შემდგომი პრივატიზების მიზნით.

დამატებითი ქონების სახით სახელმწიფო ქონების ეროვნული სააგენტოდან მუნიციპალიტეტს საკუთრებაში გადმოეცა და დარეგისტრირდა: დაბა ხარაგაულში სოლომონ მეფის ქ.N7-ში მდებარე 37, 96 მ² შენობის ფართი, რომლითაც ამჟამად სარგებლობს ხარაგაულდასუფთავების სამსახური, აგრეთვე დაბა ხარაგაულში,

სოლომონ მეფის ქ. N90 ა-ში მდებარე 14465 მ² არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობები N39, 9 მ², N2 43,23 მ², N3 68,58 მ², N4 12, 82 მ² ფართით (ჭაბურღილი), რომლის რეაბილიტაციაც მიმდინარეობს ამჟამად. ასევე მუნიციპალიტეტის საკუთრებაში გადმოეცა სოფელ ზვარეში მდებარე ყოფილი პიონერთა ბანაკის 12408 მ² არასასოფლო-სამეურნეო დანიშნულების მიწის ფართი და მასზე განთავსებული შენობა-ნაგებობა. დავარეგისტრირეთ სოფელ ვარძიაში ამბულატორიის შენობა-ნაგებობა, სოფელ ვერტყვიჭალაში მდებარე 620 მ² ხაზობრივი ნაგებობა, ასევე სოფელ კიცხში 20385 მ² და სოფელ ლახუნდარაში 211141მ² სასოფლო-სამეურნეო დანიშნულების მიწის ნაკვეთები.

განხორციელდა მუნიციპალიტეტის საკუთრებაში გადმოცემული ქონების, სოფელ მარელისის კლუბის, უბისის ყოფილი კლუბის შენობის, ვერტყვიჭალის კლუბის და მასზე დამაგრებული მიწის ფართობის დაზუსტება საჯარო რეესტრში.

სარგებლობის უფლებით უსასყიდლო უზურფრუქტით გადაეცა: სოფელ ღორეშის ადმინისტრაციული შენობის პირველ და მეორე სართულზე მდებარე 4 ოთახი 127 მ² ფართით სახელმწიფო სერვისების განვითარების სააგენტოს, ა(ა)იპ ხარაგაულის კულტურის ცენტრს კინოთეატრის შენობა წლის ბოლომდე, ეროვნული აღსრულების ბიუროს დაბა ხარაგაულში სოლომონ მეფის ქ. N19 ა-ში მეორე სართულზე 9,29 მ² ფართი, ა(ა)იპ ეთერ კიკნაძის სახელობის სკოლამდელ დაწესებულებათა გაერთიანებას სარგებლობის უფლებით უსასყიდლო უზურფრუქტის წესით არსებობის ვადით გადავეცით: სოფელ ბორითის, კიცხის, წყალაფორეთის, ვარძიის, ხიდრის, ზვარის, ვახანის, ლელვნის საბავშვო ბაღები.

თხოვების წესით გადაეცა: ა(ა)იპ „ხარაგაულდასუფთავებას“ ავტომანქანა უაზ 3154, სახელმწიფო N LEO -632, ორი წლის ვადით, ა(ა)იპ ხარაგაულკეთილმოწყობას ავტომანქანა უაზ 3154 სახელმწიფო ნომრით: LEO- 634, და შპს „ხარაგაულ-2011-ს“ ავტობუსი პაზ 672, სახელმწიფო ნომრით: WVV- 758, ავტობუსი პაზ 686, სახელმწიფო ნომრით: BIB-092, გაფორმდა დასუფთავების გადასახადის 50

ხელშეკრულება საბიუჯეტო ორგანიზაციებთან, ინდემწარმეებთან და ფიზიკურ პირებთან. სულ შემოსულია 4900 ლარი. განვლილ პერიოდში საიჯარო ქირიდან შემონატანი ადგილობრივ ბიუჯეტში შეადგენს 20332 ლარს.

შესრულებული სამუშაოების შედეგად, სახელმწიფო ქონების ეროვნული სააგენტოდან, მუნიციპალიტეტის საკუთრებაში გადმოცემულ ქონებებზე განხორციელდა მუნიციპალიტეტისათვის მნიშვნელოვანი ინფრასტრუქტურული პროექტები, მუნიციპალიტეტის ადმინისტრაციულ ერთეულებში აშენდა და ფუნქციონირებს საბავშო ბაღები, ქონებით სარგებლობს მუნიციპალიტეტის მიერ დაფუძნებული არასამეწარმეო-არაკომერციული იურიდიული პირები, მნიშვნელოვნად გაიზარდა დასუფთავების მოსაკრებლიდან და საიჯარო ქირიდან შენატანები ადგილობრივ ბიუჯეტში.

მომავალი წლიდანაც აქტიურად გაგრძელდება სასოფლო-სამეურნეო დანიშნულების მიწების ხარაგაულის მუნიციპალიტეტის საკუთრებაში რეგისტრაცია კოოპერაციული მეურნეობების შექმნის ხელშეწყობის მიზნით, ასევე ინვესტიციების მოსაზიდად დაგეგმილია მუნიციპალიტეტის საკუთრებაში არსებული ქონების ეტაპოვრივი პრივატიზება.

საანგარიშო პერიოდში აუდიტორული შემოწმება ჩატარდა: ა(ა)იპ საფეხბურთო კლუბ „ჩხერიმელა-2009“-ს, ა(ა)იპ „შოთა ბუაჩიძის სახელობის სამუსიკო სკოლას“, ა(ა)იპ „სათნოების სახლს“, ა(ა)იპ „მოსწავლე-ახალგაზრდობის სახლს“, ა(ა)იპ „ხარაგაულის ხალხურ შემოქმედებას“, ა(ა)იპ „ხარაგაულ დასუფთავება“-ს, ა(ა)იპ „ხარაგაულ კეთილმოწყობა“-ს, ა(ა)იპ „კულტურის ცენტრ“-ს, ა(ა)იპ „ხარაგაულის ისტორიულ მუზეუმს“, ა(ა)იპ „ახალხარაგაულ“-ს, ა(ა)იპ „საზოგადოებრივი ჯანდაცვის ცენტრი“-ს. ასევე, 2014 წლის აუდიტორული შემოწმების საფუძველზე გაცემული რეკომენდაციების შესრულების შესამოწმებლად მონიტორინგი ჩატარდა 2014 წელს შემოწმებულ ობიექტებს: შპს „ხარაგაული-2011“-ს, ხარაგაულის მუნიციპალიტეტის ა(ა)იპ „ხარაგაულის სპორტის განვითარებისა და მართვის მუნიციპალურ ცენტრს“, ა(ა)იპ „ხარაგაულის მუნიციპალიტეტის განვითარებისა და

შიდა ტურიზმის ხელშეწყობის ცენტრს“.მონიტორინგი ჩაუტარდათ ასევე: ა(ა)იპსაფეხბურთო კლუბ „ჩხერიმელა-2009“-ს, ა(ა)იპ „შოთა ბუაჩიძის სახელობის სამუსიკო სკოლა“-ს, ა(ა)იპ „სათნოების სახლს“, ა(ა)იპ „მოსწავლე-ახალგაზრდობის ცენტრს“, ა(ა)იპ „ხალხური შემოქმედების სახლს“, ა(ა)იპ „ ხარაგაულ დასუფთავებას“, ა(ა)იპ „ხარაგაულ კეთილმოწყობას“, ა(ა)იპ „კულტურის ცენტრს“.

შემოწმებულ ყველა ობიექტში აღმოჩენილი იქნა დარღვევები შესყიდვების და საკანცელარიო საქმისწარმოების მიმართულებით. ყველგან იყო ეკონომიკური კლასიფიკაციის მიხედვით გადახარჯვის შემთხვევები, ა(ა)იპ „ ხარაგაულის განვითარებისა და შიდა ტურიზმის ცენტრი“-ში, ა(ა)იპ „ხალხური შემოქმედების სახლი“-ში და ა(ა)იპ „კულტურის ცენტრი“-ში იყო შეცდომები კადრების შერჩევის და მათ შორის ფუნქციების გადანაწილებაშიც. სუსტი შიგა კონტროლის შემთხვევები დაფიქსირდა ა(ა)იპ „კულტურის ცენტრი“-სა და ა(ა)იპ „საზოგადოებრივი ჯანმრთელობის დაცვის ცენტრი“-ში. შემოწმებული ყველა ობიექტის მიმართ დადგენილია შესაბამისი რისკები, ხოლო მათი გადაჭრის გზები გაწერილია სამსახურის მიერ გაცემულ რეკომენდაციებში, რომლებიც უმეტეს შემთხვევაში გათვალისწინებული იქნა ობიექტების მიერ.

სამსახურის მუშაობის შედეგად აღმოიფხვრა აღმოჩენილი ზოგიერთი რისკი, ზოგი კი შემცირდა, რაც დასტურდება 2016 წლის წლიური გეგმით, რომლის მიხედვითაც, წინათ საშუალო რისკის მქონე ობიექტები მოხვდნენ დაბალი რისკის მქონეთა რიცხვში.

მუნიციპალიტეტის მიერ საანგარიშო პერიოდში განხორციელებულმა ინფრასტრუქტურულმა, საგანმანათლებლო, რელიგიურ და კულტურულ-სპორტულმა პროექტებმა არსებით გავლენა მოახდინა მოსახლეობის ყოფის გაუმჯობესებაში .

2015 წელს ხარაგაულის მუნიციპალიტეტის გამგეობამ არაერთ წარმატებას მიაღწია:

2015 წლის 11 მარტს ექს პრემიერ მინისტრის ირაკლი ღარიბაშვილის მიერ მუნიციპალიტეტების გამგებლებთან და მერებთან შეხვედრის დროს ხარაგაულის

მუნიციპალიტეტი პროექტების დროულად განხორციელებისა და სხვადასხვა ფონდებიდან გამოყოფილი თანხების ვადებში ათვისების კუთხით ერთ-ერთ საუკეთესო მუნიციპალიტეტად დაასახელდა.

როგორც ვიცით, 2015 წლის 19 ივნისს ხარაგაულმა ოლიმპიურ ცენტრს უმასპინძლა საქართველოს ოლიმპიურმა კომიტეტმა ხარაგაულის მუნიციპალიტეტის გამგეობა ოლიმპიური ცენტრის კარგად ორგანიზების, ოლიმპიური მოძრაობის მხარდაჭერისა და ხარაგაულში ოლიმპიური ღონისძიებების ორგანიზებისთვის სპეციალური დიპლომით დააჯილდოვა.

აღსანიშნავი და საამაყოა ჩვენთვის ასევე ის, რომ თბილისში 12 დეკემბერს გამართულ კონფერენციაზე „ადგილობრივი თვითმმართველობა – საუკეთესო პრაქტიკა 2015“ ხარაგაული 10 საუკეთესო პრაქტიკის მქონე თვითმმართველო ორგანიზაციის შორის დააჯილდოეს.

კონფერენციაზე ხარაგაულის მუნიციპალიტეტს წარმოდგენილი ჰქონდა: „პრაქტიკა – პოლიეთილენი-დიოქსინი-ფურანების წარმოშობის წყარო დამასთან ბრძოლა საზოგადოების მხარდაჭერით.“ (პროექტის ავტორი ხათუნა მანჯავიძე).

დაფინანსდა სახელმწიფო ბიუჯეტიდან ეკონომიკისა და სოფლის მეურნეობის სამინისტროს ინიციატივით განხორციელებული მიკრო და მცირე მეწარმეობის ხელშეწყობის პროგრამით განხორციელებული 6 პროექტი: ხათუნა ლურსმანაშვილის მიერ ოპტიკის მაღაზია დაბაში, დინარა ხაჩიძის პურის საცხობი სოფელ ღორეშაში, ბესიკ ხიჯაკაძის სათბურის სოფელ ვარძიაში, თინათინ დავაძის სამკერვალო დაბაში, ნუგზარ ტაბატაძის ხის საამქრო სოფელ ხევში და გია ტყემელაშვილის ავეჯის საამქრო დაბა ხარაგაულში.

ასევე 2015 წლის 22 დეკემბერს თბილისში სამართლიანი არჩევნებისა და დემოკრატიის საერთაშორისო საზოგადოებამ საქარო მოხელეთა ატესტაციის მონიტორინგის ფარგლებში ხარაგაული ყველაზე კარგი შედეგის მქონე მუნიციპალიტეტად დაასახელა. შეხვედრაზე სამართლიანი არჩევნების თავმჯდომარემ ნინო ლომჯარიამ დასძინა, რომ ხარაგაულის მუნიციპალიტეტში საკონკურსო - საატესტაციო კომისიამ ყველაზე კარგად იმუშავა და კონკურსმა ყოველგვარი ექსცესების გარეშე ჩაირა.

მნიშვნელოვანია, ასევე არასამთავრობო ორგანიზაცია „საერთაშორისო გამჭვირვალობა - საქართველოს“ მიერ ჩატარებული იმერეთის მუნიციპალიტეტების ოფიციალური ვებგვერდების კვლევა, სადაც ხაზგასმით წერია, რომ ხარაგაულის მუნიციპალიტეტის ვებგვერდი ერთ-ერთ

ყველაზე გამჭვირვალე დაინფორმაციულვებ-გვერდადდასახელდა.ერთ-ერთ წარმატებად მიგვაჩნია ასევე ის, რომ იმერეთის მუნიციპალიტეტს შორის ხარაგაული ერთ-ერთია, სადაც მუნიციპალიტეტის გამგეობის ცხელი ხაზი წარმატებით ფუნქციონირებს.

;